

مجموعه ابو الضحیٰ

ماسوا شایسته ندن دلی تطهیرہ پناش
بر تو حکمت و عرفان الیہ دورہ آتش

علوم و معارف دین بحث ایدر. و ہر ماہ عربی ابتدا سیکہ اون بشندہ نشر اولنور مجموعہ در.

عدد ۲۷ - جلد ۳ [فی غزہ صفر سنہ ۱۳۰۰] [نسخہ سی ۳ غروش]

اطائف تاریخیه

تاریخ کرده مندرج و یا خود ذوات مشهوره به مستند لطائف و فقر آدن
اکثرینک مخترعات و اسناد آدن عبارت اولدیغی بینه دلائل تاریخیه ایله
مبتدر .

فقره واردر که محتویاتی محاسن و معالی اخلاقی متضمن بولندیغی
ایچون هر ملت کندی اعظمندن برینه اسناد ایتشدر . بینه فقره واردر که
سیات و قبایحی ناطق اولدیغی ایچون بر ملت بر صورتله متفراولدیغی دیگر
بر ملتک رجائه عزو ایده کلمشدر .

هله قائلنک ذکاوت و درایتنه دلالت ایدن فقره لری هر ملت کندی
افراد بینه مال ایدنکدن اصلا چکنامشدر . اوله فقره واردر که بو کون
نه موردینی ونه ده قائلنی تعیین قابلدن؛ چونکه هر ملتک تاریخ مخاضرات
و آدابنده عینله مندرجدر .

اسلام تاریخلرنده کندیلر بینه فقره لری اسناد اولنان ذواتک مشهور لری
ملوک امویه دن عبدالملک ایله حجاج و عباسیه دن هارون ایله برامکدر .
بونارده بر قاج نوعدر؛ مثلا شعره و شعرایه متعلق فقره لری عبدالملکه
و بلاغت و مضالمه دار فقره لری حجاجه اسناد اولنور . هارونه اسناد
ایدیلان فقره لری اکثریت اوزره اطایب و شطحیاته و برامکدیه عطف اولنان
فقره لری دخی عطایا و عنایاته متعلقدر .

برده هر ملتک دیورن و یا ازوب مزاجده بعضی رجال مشهوره سی
واردر که اک مضمک والک شطارت آمیز و باخصوص اک زیاده نکاتی
حاوی فقره لری آنلره اسناد ایدلمکده در .

عربلرک ابانواسی، جاحظی، عاقل مجنون نما بهلوی . ترکلرک خواجه
نصرالدینی و یانابی و کانسی . فرانسزلرک شاعر بیرونی و حکیم اولقله

برابر مطایبات ادبیه آنها کی اعتباریله - وولتری کبی که بونلرک هر
سوزی یا هزل و مزاح ویا کنایات ظریفانه دن عبارتدر . و احتمال که
بونلردن هر برینه عطف اولسان فقره لک هیچ بری کندیلرندن صادر
اولامشدرده مجرد عندالناس مشهور اولان مزاجلرینه موافق دوشوریلان
فقرات مخترعه کندیلرینه مال ایدلمشدر .

فقره

هارونک جواریسندن حسن و آنته مقنون اولدیغی بر قیرک وفات
ایده جکئی برهودی نجم استخراج و اعلان ایلر . آره دن بر قاج کون پکر کیمز
فی الحقیقه جاریه وفات ایدر . هارون نجم شو استخراج مصیبتکارانه -
سندن منفعل و باخصوص قیرک وفاتندن غایله متأثر اولسلیله برهودی بی
اعدام ایتدیرمک ایچون حضورینه کتیردر و دیرکه - هر شبی قبل الوقوع
استخراج و اخبارده کی اقتدار کی مشاهده ایلدک یا عجا کندی حقه که
نه کونه استخراجک واردر . مثلاً نه وقت وفات ایده جکئی مراق
ایدوبده حساب ایتدکی ؟

برهودی هارونک بو سؤالندن مقصدینی تفرسله - اوت سلطانم !
حساب و استخراج ایتدم . جناب خلافتاً بکزک ارتحالندن اوج کون مقدم
واقع اوله جقدر - دیر .

هارون برهودینک ثم التدارک اولان شو جواب ذکوتکارانه سندن
فوق العاده خوشلایقه ویا برهودینک افاده سی تجربه اولنه جق حالندن
اولامغله مرقومی بر چوق عطایا ایله تلطیف و حیاتی حسن محافظه به
اعتنا اوزره بولمنسی توصیه ایشدر .

شو فقره هارون حقنده حکایه ایدلدیکی کبی جزوی بعض تغیرات

ایله هم آل بویه دن معزالدوله، هم قشاله قرالی فیلیب لوبونه و همده فرانسه قرالی اون برنجی لوئی به اسناد ایدلمشدر .

دیگر فقره

وفیات الاعیانده محکیدر که فحجین یهوددن یری هارون الرشیدک وفات ایده جکنی استخراج و اعلان ایلر . حوادث سمع خلیفه ده واصل اولمغله مشار الیه فوق الغایه مراق و وسوسه به کرفتار اولور . وزیر مشهوری جعفر برچوق اقناعیات سرد ایدرسده ممکن اولوبده خلیفه تک وسوسه سنی برطرف ایده مز . نهایت یهودی بی حضور هارونه جلب ایله - امیر المؤمنینک بوسنه فلان کونده وفات ایده جکنه سنی حکم ایتدک ؟ - دیو سوال ایتمه سیله یهودی « اوت » دیر و تکرار - یا کنندی عمرک حقه که هیچ بر استخراجک یوقیدر دیدکده غافل یهودی شوقدر سنه « عمر اوله جغم دبه برمدت طویله سرد ایتمه سیله جعفر - یا امیر المؤمنین ! فرمان پورک بو یهودی بی قتل ایلسونلر ، تاکه کنندی حقه ده کی کذب ظاهر اولدقن صکره ذات خلافتک بکر حقه ده کی بطلان دعواسی تعین ایلیه دیر و یهودی امر خلیفه یله اعدام ایدیلهرک مشار الیه غصه دن قورتیلیر .

بوفقره دیگر برطرزده سلاطین ابویه دن صلاح الدین عادلده دخی اسناد ایدلمشدر . روایت ایدنده میشو جنابلری در . مشار الیه اهل صلیب ایله محارب ایکن قدسده ساکن یهودیلردن برمنجم عکایه کلهرک کویا فلان کون فلان محاربه ده شهید اوله جغنی و بناء علیه او کون محاربه ایتمه سنی سلطانه اخبار و توصیه ایدر . بو حوادث ایسه عسا کر اسلام آره سنده شایع اوله رق هرکسک کوکلنی یأس و فتور استیلا ایدر . صلاح الدین ایسه یهودی بی قلعه تک برجنه دعوت و آفاق برچوق مصاحبت ایتدکن صکره فحجه کنندی استقباله دائر نه درلو غرائب استخراج ایلدیکنی ونه وقت وفات

ایلیه جگنی سؤال ایدر . یهودیده سلطانک بو استکناهندن قطعاً شهید -
 لنکسزین یکر می بش سنه دها معمر اوله جغنی و بناء علیه هیچ بر قضا
 وعقبه یه کرفار اولمیدرق و سعادت نامه ایله وقت کچیره جگنی بلا تأمل
 بیان ایتمه سلیله؛ مشارالیه یاننده بولسان و اولجه دعوت ایدلمش اولان
 امرای عساکره خطاباً « هر منجهک کاذب اولدیغنی بزه پیغمبر من علیه
 الصلوة والسلام افندمن خبر ویردیلر . بو یهودی ایسه بنم حقهده فلان
 کون شهید اوله جق دیه نشر یانده بولندی . کندیس ایچونده ۲۵ سنه
 عمر تعین و هر درلو عقبات و مخاطراتدن سلامت ادعا ایدیور . شمدی
 باقکز اولا کندی حقهده کی قولک محض کذب اولدیغنی اثبات ایدیم؛
 آرتق بنم حقهده کی تفوهاتک نه درجه زده شایان اعتماد اولدیغنه سز حکم
 ایدک! » دیدکن صکره خدامندن بر ایکسسه - طونک شو ملعونی
 برجندن آساعی آتک! - امرینی ویر و امری در حال اجرا اولمدرق
 یهودی ته می اوستی دوشوب یکر می بش سنه ک عمر مستقبلانی ۲۵- ثانیه ده
 اتمام ایلر .

بوققره نک هارون حقهده مروی اولدیغنی ابن خلکان جعفرک ترجمه
 حال صره سنده و آتک دلائل ذکاستندن اولمق اوزره یازمش ایسه ده
 هارون کبی عقل و فطانت و فضل دیانتله متصف بر ذاتک بر منجهک قول
 باطنسه وجود ویروده غنائک اولمی و بناء علیه اولسه اولسه بوش
 بوغازلر یعنی ارجوفه ردازلر حقهده لایق اولان زجر و ترهیدن بشقه بر
 جزا اجرا سنه عدالت امکان متصور اولدیغنی حالدیه منجهکی مجرد دفع
 اندیشه سیچون اولدیر می اینانیلر حالردن دکلدیر .
 هله صلاح الدین کبی دیانت و شجاعتک تمثال ذی حیاتی اولان بر
 صاحب عدالتک شهادتی کندی حقهده محض نعمت بیلسیله برابر اوله بر
 بشارت معنویه بی بر یهودیدن بکلمه سنه دیانتی مساع کوسترمن .
 ثانیاً وقوع شهادتی او درجده قریب کورمکی رفقا سندن هیچ

بری آرزو ایتمه یله مقدراتک بلا تخالف برینی بوله جغنه معتقد اولان عسکر اسلام یهودینک خبرینه وجود ویروده غصه ناک اولمز . ثالثاً « کل منجم کذاب » قول جلیلی بیلان هر صاحب ایمان ولو مفتوهی مسلمان اولسون منجم سوزیله هیچ بروقت نه بشارتلتیر؛ نه ده کدرلتیر . رابعاً ک خونخوار دشمنلردن عرض اسارت ایدنلره یله اعطای امان ایدن بر صاحب دیانت انجق بلهائی افتناع ایده بیلان بر یهودی کاذبک خونیه سیف عدالتی لکه دار ویا غزاة اسلامدن ایکی مرد حیسنکاری عسسلکده استخدام ایتک کبی بردنائی اختیار ایتمز .

حال بو که میشو مشارالیهه یالکز بوک کبی صورتده مأثر فطانتدن اولان فقرات ایله دکل دهها بر جوق ترهاتله افترادن حکمتامشدر . ایشته فقرات تاریخیجیده بو یولده تخریفرله ویا بوندن زیاده غرضکارانه تصنیعله تصادف اولنور . ومثلاً شارلماینه متعلق بر فقره اکر صاحب وقعه حقنده موجب عار ایسه هارونه ویا اودرجدارده مشهور اولان بر ذاته بخش ایدیلیر .

برده هر ملتده اکثر فقرات لطیفه حکمدارلردن بعضیلرینه عطف ایدمک عادت حکمنده در . مثلاً فرانسه قرالردن دردنجی هانری دایماً تبدیل قیافهله کرک پای تختنده وکرک فرانسه ناک سار شهرلرنده کنز وکنندسی اطایب ولطائف منهک بر ذات اولمسندن اکثریا کویلیلر ایله اکلتیر ایدی . بوجهتله فرانسه ناک تاریخ مخاضراتنده مشارالیهه متعلق بک چوق فقرهله تصادف اولنور . وبونکله برابر بو فقره ناک اکثریسی مشارالهدن نیجه سنه صکره تصنیع ایدلمش اولدیغنده شبهه یوقدر . کذا پروسیا قرالردن مشهور بیوک فره دریق ایله روسیه ایمیرا . طوری بیوک پترو وسلاطین عثمانیهدن مراد رابع کنندیلرینه فقره ناک اسناد اولنان حکمدارلردندر . چونکه فره دریق حکیم ، ادیب ، عسکر و صاحب سیاست بر ذات ایدی .

دائماً حکماً و ادباً ایله مجالس و مصاحب اولوردی . دائماً قشله‌لی کزر
عسکرک حالنی بالذات تفتیش و معاینه و نفرات ایله مصاحبت ایدردی .
بوجهتله کندیسنه بیک درلو فقره‌ل عطف ایدلمشدر .

یترو ایسه مجدد دولت اولوب روسیه‌نی بولندیغی مرتبه عظمته
ایصال ایده‌جک و سائطی استحضار ایچون بلجیقا فابریقه‌لرنده دمیرجیلکه
قدر کیرمش بر ذات اولدیغندن اجراءات و تشبثاتی حقنده یوز بیک روایات
منتشردر .

مراد رابع دخی دولتک اداره‌جه اک منشئت و مختل بر زماننده
جالس تخت سلطنت اولمش و باخصوص هرشیئی بالذات کوروب آکلامق
مراقیله مجبول ذواتدن بولمش اولمندن روز و شب تبدیل جامه ایله پای
تختنده طولاشیردی . بوسبیلله یالکیز افواه ناسده دکل تاریخلرمزده بیله
مشارالیه متعلق بیک چوق فقره‌ل مندرجدر . بونکاه برابر اکثری
مخترعات و اسناداتنددر .

بعض اصحاب قلمده کتب محاضرانده تصادف ایستدکاری قصص
و حکایاتی مدعایینی تأیید ایچون ایستدکاری یولده تخریف و تزین و حتی
بروقعه تاریخیه صورتنده نقل و ایراد ایدرلر .

حتی زمانمز اصحاب قلمدن میدیللی متصرفی عضو فتلو نامق کمال بک
افندی حضرتلری بر مقاله‌سمنده آئیده کی فقره‌نی مدعاسنه دلیل مقامنده
ایراد ایشدر .

فقره مجبوره

« وقتيله اسکندريه اسلامک بر مسجدی یانار . وقعه خرسنیانلردن
پلنیر . بر قاج دلی قانلی بریره طویلانیلر ؛ انتقاماً خرسنیانلر تصرفنده بولان
برخانی احراق ایدرلر . والی بو جنحه‌ک فاعلرینی میدانه چیقارمز .

کندی ایسه ظلمدن برشی اولدیغندن مملکتده غیرت وشجاعتله معروف نه قدر کنج وار ایسه بریره جمع ایدر . اوافق اوافق کاغدلرک کینه قتل، کینه قطع ید، کینه عفو یازار . طوتدیغی آدملر پشنده قرعه آتار . هر کس قرعه سنه اصابت ایدن جزایه منتظر ایکن ایکی کنج آدمک بری کاغدینه باقوبده قتل یازارش اولدیغنی کورنجه مأیوسانه بر آه ایدهرک « اولدیکه تأسف ایتیم بر اختیار والسدم وار . آکا کیم باقه جق ؟ » دیر دیمز یاننده کی دلی قانلی « برادر! بنم قرعه مه عفو تصادف ایتش؛ دنیاده کیسه مده یوق . کل کاغدری دکیشهلم ! » دیر . بریکی بوقدر اهیملی بر فدا کارلغی قبولدن تعذر ایدر . آرهلرنده جریان ایدن محاوره پی اطرافدن ایشیدنلرک کوکلرنده مرکوز اولان فدا کارلق میدانه چیقار کیکی یلیدیکنک کیمی هیچ بطلدیکنک یولنه بذل جان داعیه سنده هر کس بر بریله مسابقته قیام ایدرلر . بوهنکامه خردفرسا والی اولان ظالمک بیله قاب سنکینی اریدر . وجوانمردانک جمله سنی بردن بولندقلری مهملکدن آزاد ایدر .

قرهک اصلی ایسه مستطرفده وجه آتی اوزره محرردر :
 « مصر قاهرده کائن مسجد جامع یعنی معبد کبیر از قضا محترق اولدقده عوام ناس نصاری یاقدی زعمیله غلو ایدوب نصارایه مخصوص اولان بر پیولک خانی اخراق واضرار ایدرلر . تحری تام و تحقیق ایله نصارانک اخراق جامعده صوچلری اولدیغنی تبین ایتدکده والی، خانی یاقان طائفندن برآزینی اخذ وعددرنجه برر کاغد اوزرینه بعضیسنه طایق و بعضیسنه قطع ید و بعضیسنه قتل دیو یازوب واوراقی بوکوب لاعلی التعین تقسیم ایتدیروب ایچلرندن نه چیقارسد اجرا ایدک دیو جلادریته امر ایلدی . صرده سیله حکم اوراقی اجرا اولنورکن کاغدنده قتل یازیلانلردن برینک « اکر والده حکم اولماییدی قتلی قید ایتزدیم . » دیو ایلدیکی توجعنی یاننده بولنوب کاغدنده طایق یازیلان یکیت ایتدکده

« برادر! بنم والدم یوق؛ کل کاغدی دکشدرلم! دیوب ودکشدروب
یولنه جانی فدا وایشار ایلدی. »
ایشته کوریلور که فقره‌ک اصلیه کال بکک نقلی بیننده ایجه فرق
وار. از جمله مستطرف وقعه‌ک قاهرده حدوثی بیان ایتش ایکن کال
بک مسجدی اسکندریه نقل ایتشدر.
ثانیاً جامعک احراقنده خرستیانلرک مدخلی اولمادیغک تبین ایتشی
اوزرینه والینک مجازات سالفه الذکره مبادرت ایلدیکی مستطرفده مصرح
ایکن کال بک اوبخنده سکوت ایتشدر.
ثالثاً مستطرفده « طایق » قطع ید و قتل « محرر ایکن کال بک
طیایغی حذف ایله برینه (عفو) یازمشدر.
رابعاً مستطرف قتل قرعه‌سی اصابت ایدن کنج ایله قسمتمنده
طیایق چیقان دلی قانلیک کاغدرینی دکشدرمدیکی حالده کال بک ده
زیاده غرابت ویرمک ایچون بویله بر حرکت جوانمردانه اوراده بولنان
غیرتوارن شبانک جمله‌سی مسابقه دوشورتمشدر. وحتی والیه بیله او
قدر جوانمردانه قارشی حجاجانه بر معامله ثبات ایتکه طاقت برافاشدر.
شو فقره‌ک اصلیه صورت مخرفه‌سی یازمقدن مقصدمن هر نوع
قصه وفقره‌لرک هر عصرده ارباب قلم مزاج وفکرینه مطابق صور
والوانه تحول ایده کلدیکی کوسترمکدر.
برده مصرده حادث اولمش وقعه‌ک اسکندریه نقل ایدلسی ماهیت
حادثه‌ی دکشدرمن. برصاحب قلم ایسترسه برقره‌ی محل حدوثی بیله
تعین ایتسدرک ایراد مثل صورتنده حکایه ایده بیلر. چونکه مقصد
مصرده ویا اسکندریه‌ده اوپله برحادثه جریان ایتدیکی کوسترمک دکل
حادثه‌ک غرابتنی تصویر ومطلوب هر نه ایشه آنی تأییددر.
بزم طنز قالیسه صورت افاده‌سی آیری واصلی بر اولان شو
فقره‌ک هر کیمه ارئه اولندجق اولسه مخرف اولمله برابر صورت اولبسنی

قبول و بالفرض صحیح اولسه دخی اصلنی رد ایتمی شبهه سزدر . چونکه مقصد غرابت و قعده بی و افعال جو انمردانه بی حکایه ایسه کمال بکک تصویر ی حسن جو انمردانه بی تهزیز ایتکده البته اصلنه مر جعدر . چونکه مزاج بشر بر خارقۀ عاده بی بر وقعه ساده به و انواع خوارق جامع بر حادثه بی ایسه بر خارقۀ عاده به ترجیح خصوصنده هیچ بر وقت سماحت اظهارندن کری طوره مز .

حتی بن کمال بکک یرنده اولسه ایدم جامعی احراقده خرسیتانلرک ذی مدخل اولمقدقلرینک تبین ایتمی فقره سنی ابقا ایدر . و جو انمردان شبانک یکدیگرینه ایشار جان ایتکده کی حرکاتندن والی بی مر جتد کتیر و بده یالکز آنلری عفو ایتدیر میوب حریفه بر آزده فکر عدالت بخش ایدرک دلی قانلیلرک فکر انتقام ایله یاقدقلری خانی یا جزاء کندیلرینه و یا خود عاطفه بدت المال مسلینه بنا ایتدیر بر دم . بکا فالیرسه کیسه سسندن بر شی چیمیدجنی جهتنه کمال بک بو سماحتی اجرا ایتدیر ملی ایدی .

و ولترک فکرینه کوره بر فقره بی ایشیدلیدیکی صورتده ایراد ایتدی و مسند الیهی هیچ بر وقت دکشیدیرمه ملی ایش . زیرا بودرلو تخریفات و اسناداتدن تاریخ زیر و زبر اولورمش . و ولتر بوباید یالکز بر درجه به قدر حقلی در . مثلاً فلان حکمداره و یا فلان سرداره عائد بر فقره تاریخیه بی هرکیم جانی ایستندیکی حکمدار و سرداره اسناد ایدر سه او حالده رأی کی تاریخ آلت اوست ایدلمش اولور .

مثلاً بالاده مثالی کو ستردی کمز وجهله غرضاً صلاح الدین ایوبی به و جعفرک تعلیمه هارونه اسناد ایدیلان فقره کی . لیکن مورد و مصدری مجهول اولوبده اسنادیده برکونه غرض فاسده مبنی اولیان فقره لک نه تحریفده ونده مسند الیهی تحویلده و ولترک دوشندیکی مخطور وارددر .

مثلاً شرفقره بعض محضرات کتابلرنده مأمون و بعضی سسندده امریه اندلسدن هشام حقتده مروی حکایاتنددر .

فقره

«مأمون بر کون طيب خالصيله بر سرير اوزرنده ديز ديزه اوطوروب مصاحبت ايدرکن طيبك جبه سنده اولان اوفاق بر سوکوک که پارمغنی صوقار و گرمی مکاله صره سنده سوکوکي ايکي اوج پارمق صيغه جق درجدهده بيوتکه باشلار . ايتدکاری بحث ايسه جنت اوزرينه اولوب مأمون طيبیدن — بک اعلا! مجنونی باغلايه جق زمانک حلول ايتديکني نصل اکلارسکز؟ — دیديکنده حکيم دخی — نه وقت طيبك جبه سنده کی سوکوکي بر قاریش قدر بيولدير ايسه — جوابی ويرر . مأمون ايسه بوجو ابدن فوق الغايه منبسط اولمغله طيبيني اکرام وعظاياسيله ممنون ايدر .»

شمعی شو فقره ايستر مأمونه؛ ايستر هشامه اسناد ايدلسين . هيچ برينک شاننه شين وبره جک حالردن دکدر . وبويله ايدلمش اولمغله نه تاريخ آلت اوست اولمش ونهده برينک حقنه طوقونلش اولور . شو قدر که هشام مأمون خليفه کبی مثلا مکارم اخلاق و فضائل حکمت و عرفان ايله متصف اوليوبده برنادان خاطر شکن اولسه ایدی؛ اوحالده مأمونک مالي آکا بخش ايتکدن دکل اويله برنا اهله بويله بر فقره لطيفه عزو ايتکدن طولاني اسانت ايدلمش اولوردی . فقط خصائل فضل و عرفانده يکديکي برينک مانندی اولان ايکي زادن برينه عائد بر مطايبهک ديکرينه ويرلسی هيچ بر وقت قباحث صايله مز .

انتکلیز ادباسندن ورجال مشهوره دولتن چستر فيلد حقنده مروی حکايتندر که

مشاراليه ايلانده کندی کندينه سياحت ايتديکی صرهده بر کون کچ وقت برکويه داخل اولور . کويک ايسه بر او تلي اولوب اوطه لريده کاملاً طوتمش بولميسندن مشاراليه يتاجق بر بوله مز . نهايت او تلجي اوطهک بريسي اويله کرالمش اولان بر قصابی پاره سی کاملاً جستر فيلد طرفندن تأديه اولمغی اوزره برلکده يعنی بر يتاقده ياغغه ارضا ايدر .

چسترفیلد خوابگاهنه کیرویده رفیقيله داخل فراش اولمده دن اول
برشیشه شرابه ایکی قدح کتیرده رک قصابله ایچوب قونشدقلری صروده
بجٹ کندیسنک کیم اولدیغنه انتقال ایتدکده چسترفیلد دیر که :
— آرقداش بنم صنعتمه سنک صنعتنه مشاهدیر . ایکیمزده
ذی روحه مسلط مخلوقاندکز .

قصاب — فصل سزده می قصابسکز که

— اوت اما حیوان قصابی دکل .

— حیوان قصابی دکلې ؟ یا نه قصابسکز ؟

— اوراسنی نه سن صور نهده بن سویله می . شو قدر که ملعون بر

صنعت .

— جانم افندم اللهی سورسه کز سویلیک صنعتکز نهدر ؟

— پدرم حکومتک جلادی ایدی ؛ او وفات ایتدکن صکره خدمتی ده
بکا میراث قالدی . ایشته بو کونده علی العجله مانچستره کیدیورم اصیله جق

درت حیدود وارمش

قصاب چسترفیلدک کیم اولدیغنی آکلانجه اشیا سنی یوکلنیر یوکلنیر
حتی وداع بیله ایتکسزین او طه دن فرار ایله آخوره الجاهل ایدر . چستر

فیلدهده بوسایهده یالکز باشنه بتاغه کیرد .

بوققره بنه انکلیر مشاهیر ادباسندن (صویفنده) ده اسناد ایدلمشدر .

ایکیسیده بر عصر رجالتدن اولدقلری و باخصوص ایکیسیده ظرفای ادبادن

وسیا حاتله مألوف ذواتدن بوانشدقلری اعتباریله هر ایکیسینه یاقیشیر

فقره لر ذدر .

بیوک فره در یقه متعلق بر فقره تاریخیه

مشار الیه بر کون حبسخانه یی کزدیکی صروده سلامنه طورمش

اولان محبوبیندن برینک یانه کیده رک سبب حبسنی صورار محبوس دخی
 « افندمز! بنده کز جسد بیکناهم . خصمک نفوذیله قاتل نامنی قزاندم
 دیر . فره دریق آنک یانده کیندن دخی استفسار سبب ایلدکده » افندمز
 بنیده هیچ معلومات اولدیغی حالده سرقتیه نسبت ایلدیلر . محاکمه بردرلو
 برائتی اینه موفق اوله مدم » جوابی ورر . حاصلی اوخچیسندن
 الی آخره هر برندن اسباب حبسنی سؤال ایلدکجه هر بری برائت و عصمت
 ادعاسنده بولنوب نهایت سیاسنده آثار ندامت و طورنده سکوت و متانت
 مشاهده ایلدیکی محبوسک برینه دخی « افندی! سرزده می بونلر کبی
 مظلومسکز! » دیدیکنده حریف « خیرافندم بنده کز مظلوم دکم؛ جزای
 بحق چکیورم؛ چونکه کندیسندن ایسته مش اولسم بخش ایتسی مأمول
 اولان بر تاجرک حیوانی چالمشدم . سرقتی ثابت اولدقده تاجر عفو
 ایلدیسده قانون عفو ایتدی . » جوابی و برمه سیله فره دریق زندان
 مأمورلرینه « بوبله اصحاب ناموس وعفتدن اولان ذوات آره سنده بوبله بر
 سارقک وجودی جائز دکدر . » دهرک بقیه جزاسنی اعتراف ندامتکارانه
 سنه باغشلا یوب مرقومی اطلاق ایدر .

بن بوفقره بی بوندن ۲۴ سنه مدم (روزنامه خریده حواده)
 او قومشدم . حتی بونک فره دریقک کیم اولدیغنی دخی بوفقره سایه سنده
 او کرشمدم .

حال بوکه کچن سنه تیارو او بونجیلرندن روسیدلی (قره تیچین) نام
 ذالک کچن سنه نشر اولنان (یاد داشتنده) بوفقره روسیه امپراطورلرندن
 قریم محاربه سنده وفات ایدن نيقولایه عطف ایلدشدر . حتی مجموعه عاجزا
 نهک اون دردنجی نسخه سنده مومی الیه قره تیچینک یاد داشتندن تقلا
 نيقولانک مخصوصاتندن اولمق اوزره محرردر . حال بوکه ۱۲۷۶ سنه سی
 رمضانده نشر اولنان روزنامه لرک برنده شو فقره به تصادف اولته چغنی
 کبی (آنسه قلوپدی یانا) نام (مجموعه لطائفده) دخی عینله مندرجدر .

حکمای عرب بدن جاحظه متعلق بر فقره

جاحظ غایت چرکین سیمالی بر ذات ایمش . حتی کندیسنه جاحظ
تسمیه سنک دخی و جی بودر زیرا جاحظ کوزینک یورطه سی چیق لقمه
کوز آمده دیر .

مشار الیه بر کون سواقده کز رکن یانه بر چوجق کلدرک « افندی
حضر تلری ! آزابیق شومصورك دكانی تشریف پورک برشی کوسره حکم
دیر . » جاحظ دخی خاطرینی قیرماق ایچون چوجغه موافقتله دکانه کیدر .
مشار الیه ایچری کیرنجه چوجق مصوره خطاب الیه « ایشته بولدم . طبق
بونک کبی اولسون . » دیهرک صاویشور کیدر . جاحظ چوجقک تعریف
و توصیه سنی مراق ایتمکله مصوردن اصلنی سؤال ایلدیکنده مصوردر که
- بر آیدن زیاده در که چوجق بدن شیطانک رسمی یا قفلغمی طلب ایدر ؛
نهایت بر کون باشمدن صاومق ایچون شیطانی بولوب کتیرر ایسه ک بنده
رسمی یاپارم دیمش ایدم . ظاهر ذات عالیگری آرادینغه بکزمش اولملی که
بورایه قدر کتیرمش . »

شوقره جاحظک ترجمه حالنده محرردر . حال بو که جاحظدن
بش یوز سنه صکره دنیایه کلش اولان شاعر مشهور نابی به دخی بو
فقره بی اسناد ایدرلر . چونکه نابی دخی چرکینلکده جاحظدن کری
قالمزش .

ماحصل کرک تاریخارده و کرک مخاطرات کتابلرنده کوریلان
فقره لک قسم کلیسی اثر تصنیع اولدیغی کبی بر طاقی ده یاقشیق آلان
ذواتدن بر فاحنه عطف ایدلمشدر .

بونلرک انواعندن بورایه بر فاح مثال اراشه ایلدیلمز کبی رتیب
و نشری مصمم اولان (لغت مخاطرات) ده دخی هر ملتک الک منتخب
فقره لردن برر ایکیشر پارچه شی یازلمشدر .